

U skladu sa odredbama člana 2, člana 72 i člana 90. Zakona o javnim nabavkama ("Službeni glasnik BiH broj 39/14") i člana 11. Pravilnika o postupku direktnog sporazuma Javne ustanove Srednjoškolski centar Vogošća zaključuje se

UGOVOR o nabavci kompijuterskog materijala

JU Srednjoškolski centar Vogošća, ulica Jošanička br.119, Vogošća, ID: 4200425670003 (u daljem tekstu: kupac) koju zastupa direktor škole Poljo Said, dipl.maš.ing.

i

„EA SERVIS“ d.o.o Sarajevo sa sjedistem u Sarajevu - Ilidža, ulica Ismeta Alajbegovića Šerbe 30, ID broj: 4202290040007; PDV broj: 202290040007 (u daljem tekstu: prodavac) koga zastupa direktor, Almir Džaferović.

PREDMET UGOVORA

Član 1.

Predmet ovog ugovora je nabavka kompijuterskog materijala po zahtjevu za dostavljanje ponude broj 2446/20 od 17.12.2020 godine.

ODREDBE O CIJENI

Član 2.

Vrijednost nabavke i sukcesivne isporuke isporuka kompijuterskog materijala iz člana 1. ovog ugovora je 1.500,00KM bez uračunatog PDV-a.

Član 3.

Cijene robe definisane su u ponudi prodavca zaprimljenoj pod dj.brojem 2448/20 od 18.12.2020.godine i iznosi 1.466,00 KM bez PDV-a, a što sa PDV-om iznosi 1.715,22 KM

VRIJEME TRAJANJA UGOVORA

Član 4.

Ugovor se zaključuje za 2020. godinu i traje do 31.12.2020. godine.

OBAVEZE UGOVORNIH STRANA

Član 5.

Prodavac se obavezuje se da će za potrebe kupca izvršiti sljedeći posao: dostaviti robu iz člana 1.ovog Ugovora sukcesivno od dana potpisivanja ugovora do 31.12.2020.godine prema narudžbama i ponuđenim cijenama sa uračunatim PDV-om.

Član 6.

Prodavac se obavezuje da će naručenu robu dostavljati u sjedištu kupca, u Vogošći, u ulici Jošanička br.119.

Član 7.

Kupac se obavezuje da će prodavcu prema narudžbama i ponuđenim cijenama sa uračunatim PDV- om u roku od 60 dana izvršiti plaćanje fakture, a sve u skladu sa mogućnostima Trezora Kantona Sarajevo.

ORIGINALNOST, REZERVNIH DIJELOVA I POTROŠNOG MATERIJALA

Član 8.

Prodavac garantuje da je roba koja je predmet ovog ugovora originalna i ispravna, u suprotnom preuzima sav rizik, troškove, odgovornost i prihvata povrat.

ODREDBE O RASKIDU UGOVORA

Član 9.

Svaka od ugovornih strana može jednostrano raskinuti ugovor i prije roka određenog za njegovo ispunjenje, ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Svaka od ugovornih strana može raskinuti ugovor zbog toga što neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane.

Ugovor se ne može raskinuti zbog neispunjenja neznatnog dijela obaveze. Kao neznatno neispunjenje obaveze smatraće se ono koje bitnije ne otežava ostvarivanje svrhe ovog ugovora.

Izjava o raskidu ugovora daje se pismeno.

Ugovorna strana koja je osnovano, jednostrano, raskinula ugovor ima pravo na naknadu štete prema opštim pravilima obligacionog prava o naknadi štete.

Ako ugovaratelji sporazumno raskinu ugovor oni sporazumno i rješavaju sva sporna pitanja nastala raskidom ugovora.

Ugovorne strane su saglasne da se o pitanjima koja nisu regulisana ovim ugovorom primjenjuju odredbe iz Zakona o obligacionim odnosima.

VIŠA SILA

Član 10.

Ako slučaj više sile potpuno ili djelimično spriječi izvršenje obaveze po ovom ugovoru, ugovorna strana zahvaćena slučajem više sile je obavezna da o nastanku više sile, o vrsti i o eventualnom trajanju više sile pismeno obavijesti drugu ugovornu stranu u roku od 5 (pet) dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja. Okolnost više sile se dokazuje odgovarajućom dokumentacijom/dokazima izdatom/im od strane nadležnog organa.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ugovora, koji su nastali mimo volje ugovornih strana, čije nastupanje i dejstvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dejstva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglasi kao slučajeve više sile.

Za vrijeme trajanja više sile obaveze kupca i prodavca po ovom Ugovoru miruju, ne primjenjuju se odredbe o ugovornoj kazni definisane članom 7. ovog Ugovora, s tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 30 dana, kupac i prodavac će se sporazumjeti o daljoj sudbini Ugovora. Ukoliko se isti ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome obavijesti drugu ugovornu stranu.

RJEŠAVANJE SPOROVA

Član 11.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud u Sarajevu.

